



**SIUMUT INATSISARTUNI ILAASORTAATITAT / LANDSTINGSGRUPPEN**

2. januar 2012

Inatsisartut suleriaasiat § 37 immikkoortoq 1 naapertorlugu Naalakkersuisunut imaattumik apeqquteqarniarbunga.

**Naalakkersuisunut apeqqut:**

**Najugaqarfinni immikoortortaqarfiit qassit aammalu sorliit atorunnaarsinnejarsimappat?**

**Sinerissami najugaqartut immikoortorqarfii naatsorsuuserinikkut (aninkaasaqarnikkut) assigiinngitsunut qassinut aggulussimappat?**

**Immikoortortaqarfinnik atorunnaarsitsinerup kingorna, ineqarnermut akiliutissap ukiup tullissaanut annertussusilerneqarnissaanut, Inatsisartut peqqussutaanni nr. 2-mi, 12. maj 2005-imeersoq tunngavigalugu missingersuusioqqaartarnissaq suli inatsisitigut piumasaqataava? Taamaattoqarsimappat oquk pillugu akitsuinialluarnermi missingersuuit suut tunngavigalugit missingersuusiorqarpaa?**

**Najugaqartut immikoortorqarfii atorunnaarsinnejarsimappata, taava sooq sinerissami najugaqarfiiit ineqarnermut 2011-imut 2012-imullu akiliutaasa iluarsiivigineqartarneri assigiinngitsunik annertussusilerneqartarpas?**

**Tunngavilersuut:**

Oquk pillugu inissianik akitsuinialluarnermut tunngatillugu assigiinngitsunik nalunaaruteqartarnersi Inatsisartuni ilaasortanut innutaasunullu paatsuunganarpoq nalornisitsillunilu.

Ulloq 21. november 2011 tusagassiutinut akitsuinissaq pillugu nalunaaruteqarassi, Inatsisartut peqqussutaat nr. 2, 12. maj 2005-imeersoq toqqammavigalusiuk nalunaaruteqarpusi.

Taannaavorlugu Siumumiit §§28-32 unioqqutinneqartutut uparuagarput.

Ulloq 12. december 2011 KNR-imut inatsisinik unioqqutitsinnginnissinnut Nalunaarummik (bekendtgørelse) 2009-imi allanngortitsisimanersi tunngavilersuutigalugu nalunaaruteqarpusi. Takusinnaasagullu malillugit Nalunaarummik 2009-imi allanngortitsisoqarsimanngilaq. Uparuarneqaqinnersi tunngavigalugu nassuaatisi allanngoqqipput oqarlusi Aningaasanut Inatsit 2010-imut aamma 2011-imut aqqutigalugu immikkoortortat atorunnaarlugit ataatsimoortinnejalernerisigut akitsuinialernersi unioqqutitsinerunngitsoq.

Siumumiit oqaatigissavarput 2008-imi inissianik akitsuinissap taamanikkut Naalakkersuisunit unitsinneqarneratigut 14.2mio.kr.-inik amigaateqalernermik oqarnerit oqummut ataatsimilluunniit tunngassuteqanngimmat. Tassami najugaqartut aserfallatsaaliiñermut akiliutigisartagaat oquup akiorniarneqarnissaanut atorneqarnissaannik pilersaaruteqarasi najugaqartuniit toqqaannartumik akitsuinikkut ukiumut 39 mio.kr.-it aaniaraluarpassi. Taamatuttaaq taamanikkut akitsuinissamik taamaatitsisoqarmat illuatungiliuttuniit aamma ilinniit unitsinsinermut akerliunermik tutsiuttoqanngilaq.

Erseqqissaatigissavarput oquup akiorniarneqarnissaa minnerpaakkulluunniit Siumumiit akerliersunnginnatsigu ajortussarsiorfiganaguluunniit. Uparuagarpus tassaavoq Inatsisartut peqqussutaat nr. 2, 12.maj 2005-imeersoq unioqqutillugu akitsuiniaraluarneq aammalu oquup suliarineqarnissaa tamakiisumik najugaqartunut akilersinniarneqarluarnera.

Malik Berthelsen aamma Kim Kielsen, Siumut